



Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

Vti quisque in actiua vita morali per Dei amorem proficere debeat: deque amore multiplici. Cap. VII.

urn:nbn:de:hbz:466:1-37362

periunt ad diuinæ consolationis, & internæ sensionis subtractionem, quam ad earum receptionem, nondum plenè sibi ipsi mortui ad perferenda quæcumque aduersa, nisi consurgant ad perfectiorem intentionis gradum.

Tertia denique dicitur intentio deificata, utpote amore finis æterni totaliter attracta. Et est propriæ beatorum in patria, quia iam intentionis deificata. intentio fit tentio æterna, & elicetur à voluntate affectata deiformiter. Quidam tamen in statu viae feroare spiritus inebriati, intentionē hanc attingere cupientes, totis præcordijs ad eius felicem consecutionem laborare non cessant, vt & ipsi in hac valle lachrymarum pro modulo suo felicem hanc deificationem, & perfectam diuinam assimilationem aequi mereantur. Deification autem, secundum Bernardum, in lib. de diligendo Deum, nihil relinquit in voluntate admixtum vel proprium, sed totum per intentionem dirigit in Deum. Vnde dicit ibidem: O pura & deificata intentio voluntatis, eo certe deificatior, & purior, quod in ea de proprio nihil admixtum relinquitur, sed suauior & dulcior, quod totum diuinum est quod sentitur. Sic enim affici, est planè deificari: quæ deificatio suam perfectione consequitur in futura vita. Vbi sic omnem in Sanctis humanam affectionem, quodam ineffabili modo, necesse erit a se metipsa liquefcere & deficere, ac in Dei penitus voluntate transformari. Alioqui, quomodo erit Deus omnia in omnibus, si in homine aliquid de homine supererit? Manebit quidem substantia, sed in alia forma, in alia gloria, aliaq; potentia, quam intentionem etiam in hac vita, ut dictum est, quodam prælibare merentur.

*Vti quisque in actiua vita morali per Dei amorem proficere debeat:
deque amore multiplici Cap. VII.*

Expediti de primo, ad consurrectionem actiua vita nobis necessario, scilicet de intentione recta, (quæ licet proficit, non tamen sufficit) ideo nunc secundum prosequamur, Deo nos propinquare faciens & vniæ: quod est dilectio præcipua charitatis signculo inflata, vt, scilicet, nihil æque vel plus Deo diligamus. Quo sit, vt in omnibus actibus animus recte intendens, super peccatum Domini, per amorem caput inclinet: vt cui recta intentione coniunctus est, etiam dilectione præcipua coniungatur. Omnis quippe creatura, vt talis, infra Deum diligenda est, tamen non extraordinaria dilectione, sed in ordine ad Deum: vt vel ipsa iuuet vel cooperetur in bono, vel per eam animus ma-

Ttt nudu-

nudicatur ad Deum; & sic seruatur ordinis restitudo. Charitas autem;

quia non vult finere medium inter se & dilectum, ideo acumine suo
cuncta penetrat, donec ad dilectum perueniat: & sic intentionem

Cap. 4.

Amor cre-
atus.

1. Ioan. 4.

Rom. 8.

1. Cor. 13.

Rom. 8.
1. Col. 13.

istam corroborat, purificat, & consummat: amantem insuper cum amato arctius & efficacius stringit & vnit. Vnde Dionysius libro de divinis nominibus dicit: *Vnus est amor increatus, qui sua supersubstantiali & vniuersali appertione inginit omnibus rebus amorem creatum.*

Qui amor creatus, est quædam inclinatio & coordinatio amantis ad bonum amatum. Est enim amor, connexio & vinculum, quo omniū rerum vniuersitas, ineffabili amicitia, insolubili quoque vniōne copulatur.

Cum igitur amorem nominamus, siue diuinum, siue Angelicum, siue intellectualem, siue animalem, siue naturalem, designamus nomine amoris quandam virtutem vniuersitatem, communicatiuam, mouentem superiora ad prouidentiam inferiorum, & inferiora ad conseruationem superiorum, ac coordinata: ad continuam & mutuam habitudinem.

Amor ergo noster, cum igniculo charitatis diuina fuerit inflatus, cum Deo stabilitur, ac perpetuat: quia Deus charitas est, & qui manet in charitate, in Deo manet, & Deus in eo.

Quod cum Dei adiutorio fieri poterit in æternum: Nam in libro de spiritu & anima dicitur, quod anima in se non de se amorem habet, quo semper cum Deo stare poterit.

Vnde Apostolus ad Romanos: Certus sum, inquit, quod neque mors, neque vita, &c. Quæ verba declarans Augustinus lib.

de morib[us] Ecclesiæ, dicit, quod licet corpus nostrum mori posse, ipsum tamen, quo Deum diligimus, scilicet anima, mori non potest, nisi dum non diligit Deum, cui mors est non diligere Deum: quod nihil aliud est, quam ei in diligendo aliquid præponere.

Neque vita, quia Deus est fons, vita. Neque Angeli, neque principatus, neque virtutes, id est, nec inferiores, nec medii, nec superiores: quia Angeli, cum inhæremus Deo, non sunt nostra mente potentiores, sed toto mundo

superior est mens, Deo per charitatem inhærens. Neque instantia, scilicet aduersa, quia ead leviora sentimus, quod ei, à quo nos separare molitur, arctius inhæremus: & ideo charitas omnia sufficit.

Neque fatura, scilicet promissa, quia quicquid boni futurorum est, certius promittit Deus sibi inhærentibus, & nihil est ipso Deo melius.

Neque fortitudo, id est, violenta alicuius: neque alitudo, id est, prosperitas: neque profundum, id est, aduersitas: neque alia creatura, quia bonis omnia cooperantur in bonum, nec nos separant nisi demerito nostro.

Charitas enim nunquam:

nunquam excidit, sed nos Deo feliciter consummat & perpetuat, dum in id ipsum fideliter sublevata fuerit. Quod si in his, quae deorsum sunt, per amorem se conuerterit, instabilitate continua fluctuabit: quia dicit Hugo in lib. de arca Noe: Quod dum cor nostrum, vel spiritus noster per desideria defluera coepit, quasi in tot diuisum est, quot in eo sunt, quae concupiscit. Hinc nascitur illi motus sine stabilitate, labor sine requie, cursus sine peruenzione, ita quod inquietus sit semper spiritus noster, donec illi adhaerere coepit, vbi desiderio suo nil deesse gaudeat, & ea, quae diligit, semper mansura confidat & credat.

Tertio, Deo coniungi studeat animus adhaesione quieta anchora spei solidata, ut omnes tam moralis, quam spiritualis exercitij motus, omnemque interna suavitatis etiam diuinitus infuse suavitatem & saporem intentionis velocitate & dilectionis acumine transcendentis, in Deo, tanquam in motus sui finali termino, immobiliter quietat. Nam in eo, cui recte intendimus & praecepimus diligimus, immobiliter meritò quiescendum est, potius quam in omnibus donis eius. Intentio quidem & dilectio cuncta munera bonorum operum & dona, diuinis obtutibus sedulis representant: sed super omnem horum multititudinem sola in solo omnium datore requiescere concupiscit. Vbi vero supra omnia Dei dona, & supra semetipsum, & omnem creaturam in dilecto amore viuisco requiescit: illic anima in Deo, & Deus in ea manet, & amoris complexu vicario requiescunt. Hec autem quies vel adhaesio quieta, continua meditatione confouetur. Quia radius rectæ & simplicis intentionis humano spiritui, æternum ac beatificum finem omnis consummationis, quasi speculatiæ proxestendit. Amor autem intentionem rectam, in suum finem stabilis & perpetuat. Sed meditatio studiosa per ardua & aspera viuendo quadam motu felicis aspirationis ad finem sibi praestitum, cum magna animi industria peruenire nititur: ut illo quieta adhaesione frui meatur, solum circa finem illum perseveranter intendens. Vnde duo re- Intentioni, rectæ duo intentioni necessaria sunt, scilicet ut amorem boni, & cognitionem veri meditatio studiosa suo feruore confortet & augmentet. Di- Psal. 38. cit enim Psalmista: Et in meditatione mea ex ardecer ignis, qui scilicet intentionem, quod ad cognitionem veri, illuminat: & quod ad desiderium finis, inflamat. Vnde, secundum Richardum, meditatio hu- Meditatio humana. mana est studiosa mentis intentio ad investigandum veritatem, dili- genter insistens cum labore: & in hoc differt a cogitatione & contem-

Cogitatio. platione. Quia cogitatio fit sine labore & vtilitate, dum scilicet quis liberè cor suum euagari permittit, nec vllis terminis restringitur, quod ex vacuitate & distractione cordis, defectuque feruoris contingere solet, contra quod dicit Seneca libro de quatuor virtutibus: Cognitiones vagas & velut somno similes non recipias: quibus si animum tuum oblectaueris, cum omnia disposeris, tristis remanebis. Cogitatio igitur tua stabilis fit & certa, siue delibera, siue querat. Vnde dicit Gregorius in Moralibus, quod mens tot gressibus à Deo longe fit, quot malis cogitationibus decrescit; quem manus cessat ab opere, malus tamen non est innocens à cogitatione. Meditatio vero fit cum labore & vtilitate, cum scilicet quis cognitionem suam tantum ad bona memoranda restringere nittitur & captiuare. Contemplatio autem fit sine labore cum summa agilitate & vtilitate: quia contemplatio propriè est actus intellectus non impediti, gratia sanati, in eterna spectacula vel specula directi, & in admiratione suspensi. Porro, meditationi humanae, ne in labore deficiat, allocutio diuina vicem reddere solet, quia secundum Augustinum fit inspiratione diuina, quam mentibus nostris suam voluntatem, & suam veritatem inuisibiliter ostendit: & sic humanam meditationem perficit, quia, secundum Dionysium, bona naturalia per bona supernaturalia perficiuntur. Motus enim animæ tam intellectuales, quam affectuales inter Deum & animam in meditationibus quasi quidam nuntij discurrunt: qui tamen inutiles & indigni erunt in conspectu Dei, nisi lumine veritatis, & feruore charitatis, per diuinum præueniantur allocutio. Et ideo nisi diuina inspiratio vel allocutio mentem ad meditandum exciter & inspiret, quid, qualiter, & quando, de diuinis meditandum sit, humana meditatio vana & inutilis remanet; quia non exاردescit in ea ignis deuotionis, sed vanitatis, curiositatis, & cupiditatis. Dum vero nostra meditationi se diuina sociauerit inspiratio, quasi viator quidam iucundissimis fabulationibus spiritum nostrum subleuat, à temporalibus abstrahendo, de æternis instruendo, & ad æterna inuitando, ut meritò dulce verbum eructet dicens: *Quam dulcia fanticibus meis eloqua sua, super mel orimes.* A cuius nimirum dulcedine cum Mo-
se ducitur ad interiora deserti. Et cum Psalmista psallit, dicens: *Ecce elongauit fugies, & mansi in solitudine. Expectabam eum, qui salu me fecit à pulchritudine spiritus, & tempestate.* Super quo verbo dicit Bernardus: Non fuit cōtentus exire, nisi & longe se faceret, ut quiescere posset.

Et si

*Psal. 118.**Exod. 3.**Psal. 54.*

Et si transstulisti carnis obtestamenta, ut minimè iam obediās concupiscentijs, nec tenearis illecebris & curis eius, profecisti quidem, & separasti te; sed nondum te elongasti, nisi irruentia vndequephantas mata corporearum similiitudinum transuolare mentis puritate praeualeas. Hucusque noli tibi promittere requiem. Erras, h̄ circa te astimas inuenire locum quietis, secretum solitudinis serenum lucis, habitaculum pacis. Hęc ille. Nec mirum, cūm dicat Gregorius, Quod manere in insolitudine manere, est à secreto cordis terrenorum desideriorum solitudine tumultus expellere, & una & viua intentione æterna patriæ in amo- quid.
rem intimæ quietis anhelare. Vnde sequitur in Psalmo: *Expectabam Psalm. 54.*
cum, qui salutem me fecit apud pusillanimitatem spiritus, & tempestate. In quo se liberatum afferit à duobus in solitudine, quæ solent impedire ad interiora progredi cupientes. Primum est interius, scilicet pusillanimitas, quæ prouenit ex defectu fidei & confidentie, ex qua oriuntur omnia interiora impedimenta. Contra quod dicit Psalmista: Quoniam in Psalm. 17:
te eripiar à tentatione, & in Deo meo transgrediar murum. Murus, se- Murus in- cundum Gregorium, est omne, quod itineri nostro obijicitur, ne ad eam, qui diligitur, transeat. Sed hunc murum transgredimur, cūm pra amore illius omnia mundo obiecta calcamus, vt ait eum, quem diligimus, expedite peruenire valeamus. Secundum est exterius, scilicet tempestas, quæ prouenit ex defectu charitatis, quæ vigorata tranquillè suffinet omnia, ex quo oriuntur omnia impedimenta exteriora & interiora: quia tempestas exterior (vt frequenter) interiorē generat, nisi charitas adsit, quæ omnia suffert. In solitaria ergo meditatione, sola cum solo securè manet à tentationibus externis abscondita, veritatis fidei feruore vivificata & stabilita. Quod ostendit Hugo de arca Noe, dicens: Si per studium meditationis assiduæ cor nostrum inhabitare cōperimus, iam quodammodo temporales esse defitimus, & quasi mortui mundo facti, intus cum Deo vivimus: quoniam ibi fixum est nostrum desiderium, ubi mutabilitati non subiaceamus. Ecce iam studio la meditatio in tantum se exercuit & profecta; quod in contemplationem transiuit: quia veritatem per meditationem diu quæsatam, & tandem inuentam, mens solet cum audita te suscipere, mirari cum exultatione, eiusdemque admirationi diu- tius inhærere. Et hoc est meditationem meditando excedere, & me- ditationem in contemplationem transfiri: sicut & cogitatio quando- que in meditationem transit. Cum enim æternorum meditatio sit fieri non potest, quid.

TITI 3 quæ-

quædam inquisitio veritatis æternorum cum magna animi in-
stria, nec ab inquisitione desistat, donec quod querit inueniat, quan-
tum potest, planum est quodd spiritus humanus per ipsam in æter-
nis nec figitur, nec quieratur, donec quod per meditationem qua-
rebatur, ei per contemplationem ostendatur. Quam citè verò quod
quaesivit, inuenierit, & spiritus illi velut acquiescendo cum admira-
tione inhærcere cœperit, tam citè meditatio esse desinit, & in con-
templationem transit. Quia meditationi, secundum Richardum,
proprium est sua promotione semper in vteriora tendere. Sed con-
templationi proprium est iucunditatis sue * speculo cum admirati-
one adhædere. Sicque definit actiua vita, & incipit contemplati-
ua. Nam sicut in naturalibus entium genera hoc ordine concatenata
sunt, ut inferiorum suprema, superiorum insimis sint conjuncta: sic
& in moralibus, supremus gradus inferioris virg superioris insimum
atingit.

**Gradus vita
actiua su-
premus.**

1. Cor. 13.
Exod. 33.
I. Luc. 19.
Zachæus
quomodo
imitandus.

**Articuli
fidei.**

Supremum igitur actiuae vitæ gradum submittentes, vitæ contem-
platione connectamus. Cum enim sic intentione recta, dilectione præ-
cipua, & adhæsione quieta quis Christo iugiter inhalerit, pijs sapè
desiderijs extuar respicere *infaciem Christi* sui, ut quem pro tam im-
mensis beneficijs & donis per *speculum in enigmate* veneratur, etiam
facie tenuis palam videat & agnoscat: Quoniam in operibus cum &
à posterioribus agnoscere, minimè sufficere iudicat, nisi & faciem
cius desiderabilem videre mereatur. Quam obrem industriosa solici-
tudine Zachæum simulabitur, *Iesum videre cupientem quis effet*, sed
adhuc *statura pusillum*, & ideo à tumultuantium cogitationum vel
creaturarum turba præpeditum. Ascendat autem coniunctione vi-
gorosa meditationum & affectionum *in arborē sycomorū*, ramis
duodecim adornatam, hoc est, fidei celstitudinem: cuius rami sunt eius
articuli. Quorum inferiores, de incarnationis Dominicæ, nostræque
salutis mysterio loquuntur: superiores verò personarum Trinitatem,
& naturæ diuinæ unitatem eminentissimè confitentur. In cuius arbo-
ris apice, id est, deitatis unitate fixe per amorem sedeat, & adhæsi-
one quieta permaneat: quia Christus cum multitudine donorum suo-
rum & gratiarum est inde transitus. Quem cum respexerit cum lu-
mine fidei, protinus secundum diuinitatem immensum, incompre-
hensibilem, inaccessibilem, & inuestigabilem esse, mentis oculis
ostendit. Et hic est supremus gradus cognitionis in actiua vita. Chri-
stus

Mus autem in hoc culmine cognitionis eum aspiciens, ait: *Festinans descendere, quia hodie in domo tua oportet me manere.* Quod festinum nihil aliud est, quam amoris desiderio, deitatis abyssu se protinus immergere, quam sub solo creato lumine, nulla valet intelligentia comprehendere: sed ubi cognitio foris stat, amor & desiderium intrant. Et sic in anima Deo, & Deus in anima amore vicario requiescent. Nam ubi anima cuncta transcedens, in cacumine suae mentis ascendit, ibi Christo in lumine fidei obuians, diuinitus illustratur, & Deum esse incomprehensibilem, incognoscibilemque docetur: ubi vero Deo incomprehensibili se toto desiderio proclinat, illic iterum occurrens Christo, donis eius caelestibus adimplerur. Vbi denique super omnia Dei dona, supra seipsum & omnem creaturam, amore visuifico requiescit, illic in Deo ipsa, & in ea Deus requiescit. Et hie est summus consurrectionis gradus, quem in via actiue vitae valeamus attingere. Ad quam dilectam dilectus in Canticis inuitat, dicens: *Sun. Cant. 21.*
Propera amica mea, columba mea, formosa mea, & veni. Quasi diceret: O amica mea, propter tue meditationis amorosam assiduitatem, quæ scilicet amoris est intentiu, quia in ea ignis exardescit. (Si-
*eut enim ignem ligna nutrunt: sic meditationes amorosae desideria-
 pascunt.)* Surge per meditationis extensionem, à temporalibus in æterni-
 tatem. O columba mea. (propter meditationis columbinam simplici-
 tatem,) quæ simplicem habet intuitum, signans puram & simplicem
 intelligentiam: ex qua simplices & puræ meditationes oriuntur, quæ
 sunt Deo gratissimæ: meditabor, inquit, ut columba. Propera, per me-
 ditationis agilitatem, quam desiderabat Psalmista, dicens: *Quis da-
 bit mihi pennas sicut columba?* O formosa mea, propter meditationis
 puritatem. Eius enim exercitatio sedula circa æternam meutem puri-
 ficat, à temporalibus abstrahendo, ad æternam extrendendo. Nam, se-
 cundum Augustinum primo de Trinitate; Quantò mens se magis ex-
 tendit ad id quod æternum est, tantò magis formatur ad imaginem
 Dei, ut sic meritò audiat, *Veni.* Quod nobis concedat Christus Domi-
 nus, Amen.

*De duplice modo perueniendi ad vitam speculatiuam & spiritualem,
 degue contemplatione dupli. Cap. VIII.*

Ascende ascende superius. Propheta David anima contemplati. *Luc. 14.*
 ux semitam perfectionis ingetere volens: Accedite, inquit, *Psalm. 93.*
 Tunc 4. ad eum.